



Vltus à pueris operam literis dedit, & post prima artium & linguarum fundamenta percepta, sese ad academiã Vuitebergensem contulit. In ea Luthero præceptore usus, Theologiẽ operã dedit, atq; sacrarũ literarum magnam cognitionẽ acquisiuit. Accedebat & uitẽ sanctimonia, & naturalis quẽdam facundia. Id cum prudentissimus Senatus Norinbergẽsis intellexisset, Vitum ad se uocauit, & uerbum Dei annuntiare iussit. id quod ipse magna diligentia præstitit. Cum autẽ ob raram eruditionem ubiq; innotesceret, aliquoties ad Imperij comitia uocatus comparuit, & cum aduersarijs de controuersis articulis disputauit, præsertim uerò Ratisbonæ 1546, cum Cæsar doctorum uirorum colloquium instituisset. Collegit etiam Lutheri Commentariũ in Micham Prophetam, & edidit: præterea in undecim capita Genesis. scripsit insuper annotationes in Psalmos: atque Esaiam Prophetam exposuit. quo factum ut docendo et scribendo omnibus gratissimus extiterit, Con. Gess.